

Guangjisi Minzcu Bau

ganhhau: CN45-0036 B.2016 Nd.3 Ng.2 liggaueq bingjsaen nienz ndwencieng ngeihseiq

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3213期

Swcigih Minzveij(Cunghgyau)、Minzyijveij Hai Aen Hoihsibinz Hong Dangjfungh Lenzcwnng Bi 2016

自治区民委(宗教)、民语委召开2016年党风廉政工作视频会议

2 nyied 24 hauh banhaet, bi 2016 daengx gih Minzveij (Cunghgyau)、Minzyijveij hidungj aen hoihsibinz hong guh dangjfungh lenzcwnng ciuhai. Aen hoih cujyau yinvu dwg haeujlaeg hagsib gvancez Siz Ginbingz cungsiuhgi youqgaenj gangjavah caeuq Cibbet Gaiq Cunghyangh Gijveij Roekbaez Cienzhohi、Cib Gaiq Swcigih Gijveij Caetbaez Cienzhohi cingsaenz, dauqyawj cunggez bi 2015 dangjfungh lenzcwnng hwnjguh caeuq hong fanj nduknaeuh, yenzgiu anbaiz gij hong bi 2016, cienzmienh losziz daj yiemz ceih dangj、dangjfungh lenzcwnng hwnjguh caeuq hong fanj nduknaeuh.

Swcigih Minzveij(Cunghgyau)、Minzyijveij dangjcuju suhgi、cujyin

Luz Yenbenj youq gwnz hoih guh gangjavah youqgaenj. De giengzdih naeuz gak gaep dangjcujeiz caeuq dangjyenz lingjdauj ganbu itdingh au cawjdoengh hab'wngq yiengh moq yiemzyiemz ceih dangj, ciuq yauhgiuz bae guh cienhangh genjcaz, cazra gij riz vwndiz, cazbanh anqgienth veizfaz, caensaed gajgez gij vwndiz doedok fatseng youq henz ndang vunzlai saujsu minzcuz haenx.

Swcigih Minzveij dangjcuju cwngyenz、baijyouq Swcigih Minzveij Gijgenjcuju cujcanj Banh Meijyez youq gwnz hoih guh le aen baugau hong gijgenj genhcaz.

Gwnz hoih, Luz Yenbenj lij faenbied caeuq Swcigih Minzveij (Cunghgyau)、Minzyijveij mizgven

cusiz nem cizsuz danhvei、si minzveij (minzcunghveij) 8 boux daibyauij ciemdingh le dangjfungh lenzcwnng hwnjguh cwzyinsuh.

Aen hoihsibinz cawjhoihciengz laeb youq Swcigih Minzveij, gak si minzveij (minzcunghgiz)、Guengjsae Minzcuz Cunghconh、Guengjsae Minzcuz Cuzbanjse、Guengjsae Minzveij Minzyenzsiz laeb faenhoihciengz. Gyoengq lingjdauj cwngyenz Swcigih Minzveij(Cunghgyau)、Minzyijveij boux lingjdauj youq ranz, song vej gihgvanh nem cizsuz danhvei daengxcungq ganbu cizgungh, Namzingz Si Minzveij、Minzyijveij, Ginhcouh Si Minzveij、Minzyijveij cujyau bouxfucwz youq cawjhoihciengz camgya hai hoih.

(Liengz Cingz/梁晴)



Lozcwnngz: Baijyienj Mulaujcu Conzdungj Vaensug

罗城:展示侗族传统婚俗

2 nyied 27 hauh, Lozcwnngz Mulaujcu Swciyen Dunghmwanz Cin Cunghsiz Cunh Mbanjsangnanzan doiq gvanbaz moq ndeu banh Mulaujcu conzdungj baenzranz yizsi, yinx vunzlai humxyawj.

Mulaujcu conzdungj vaensug miz gangjmoix、dinghvaen、baenzranz sam yamq. Baenzranz ngoenzhaenx, mbiengj bouxgvan doihciepyah dungjyiz daenj buhvaq Mulaujcu, bae daengz mbanj bawxmoq ciepyah, mbiengj bawxmoq couh youq ngoenzhaenx cingjlaej cingjek ciepdaih caenic beixnuengx; ngazlaej gvaqlaeng, bawxmoq caeuq "soenggyah cib cejnuengx" cangndang lumj bawxmoq nei, itheij riengzdwk mbiengj bouxgvan doihciepyah bae ranz bouxgvan, daengz ranz bouxgvan, cib'it boux lwgsau itheij haeuj ranz, nauhyied raixcaix. Ciuq cam rox, Mulaujcu vaensug gaenq ndaej liedhaej swcigih feihvuzciz vwnzva yizcanj baujhoh mingzloeg, Ndaw doz dwg soenggyah ok dou.

(Mungz Cwnghsw/蒙增师)

Yungzsuij Gaenxmaenx Haiguh Saujsu Minzcuz Vunzlai Vwnzva Hozdung

融水积极开展少数民族群众文化活动

Bi 2015 daej, Yungzsuij Myauzcuz Swciyen giendingh au fungfouq saujsu minzcuz vunzlai vwnzva hozdung guh gij neiyungz youqgaenj hwnjguh senhcin vwnzva, gaenxmaenx sonyinx haiguh vunzlai vwnzva hozdung cwgoemq ndawsingz lajmbanj, mboujduenh muenxcuk caeuq fungfouq vunzlai vwnzva cingsaenz yaek yung haenx.

It dwg gaenxmaenx haiguh vwnzva ngoenzciet hozdung. Leihyungh "yenzdan" "roekit" "guckging" daengj ngoenzciet, banh daihingz cunghhoz vwnzyi comzyienj hozdung, leihyungh saw veh canjlanj、cunghyi comzyienj、dungxcaiz comzyienj daengj hingz sik vunzlai haengj dingq gyaenz yawj haenx, banh gak cungj vunzlai vwnzva hozdung.

Ngeih dwg gaenxmaenx haiguh ngoenznaengz minzsuz vwnzva hozdung. Baengh gizdieg vwnzva gihcwngz, au ciet aenvenz maxdoxdik、Myauznienz、miuhhoih、sam nyied sam daengj conzdungj ngoenzciet guh seizndei, cujeiz haiguh vwnzva doxgaiq doxgyau daengj vunzlai vwnzva hozdung.

Sam dwg gaenxmaenx haiguh gvjangcangz vwnzva hozdung. Au yen minzcuz gvjangcangz、yen veivu cungsim caeuq yen minzcuz diyzuz cungsim guh bingzdaiz, sonyinx gujli vunzlai gag banh fouxgvjangcangz、fouxlienhdang、fouxavenz daengj vwnzva hozdung, hwnghwnj le gauhcauz moq daengx yienh ganbu vunzlai camgya vwnzva hozdung.

Ciuq doengigeiq, bi' gvaq daengx

yienh gungh guhsat vwnzva leih minz roengzmbanj camnai yienjok 78 ciengzbaez, banh gak cungj ban beizyin diuqfoux 12 geiz; gaenxmaenx haiguh vwnzva "sam roengzmbanj" hozdung, baijok saw、gizgan 12200 lai bonj 18 ciengzbaez; haiguh saw riuздоengh senhconz, gungh baijok saw、gizgan 12400 lai bonj、baijok canjbanj 90 gep、mbawdoz 1240 fuk, fat swliu senhconz 12200 lai faenh. Guhsat cuengqingj 7210 ciengz, bouxyawj gyoebseueng 434282 vwnzbaez. Ndwade, denyingj vah saujsu minzcuz cuengqok 395 ciengz, senhconzben gimqdoeg fuengz binghaiswh cuengqok 210 ciengz, fazciben cuengqok 321 ciengz, Gang Yiz Cancwngh denyingj cuengqok 216 ciengz. (Cinz Cunghdwz/陈忠德)

SIUSIK DINJ

简讯

● 2 nyied 24 hauh, Vanzgyangh Mauznanzcuz Swciyen Minzcuz Cunghgyau Swvugiz lingjdauj, faenbied bae daengz aen yienh neix Yananz Yangh Gingyangz Cunh、Yananz Segih、Yizfung Cunh daengj doiq mizgven saujsu minzcuz hwnghat hanghmoeg hwnjguh guh cienzmienh diuyenz. Doenggyaq diuyenz caeuq sonyinx, hawj aen yangh neix saujsu minzcuz daegsaek canjnieb ndaej caenh'itbough gya-gvangq, daegsaek canjbieb ndaej caenh'itbough gajnde.

(Danz Sumyauz)

● Mboengqneix, Lingzyinz Yen Veigigiz cujeiz yihliuz doihfugsah bae daengz gak yanghein haiguh seizcin haeuj ranz soengq ndangcangq leih minz fugsah hozdung, vih vunzlai yawjbingh、senhconz ndangcangq cihsiz, ndaej daengz gak cuz vunzlai angqcoux caeuq haen hndei.

(Loz Hihhaij)

● 2 nyied 25 hauh, Lungzswng Gak Cuz Swciyen Lungzswng Cunghyoz banh gauhgauj bakngoenz comzmieng hozdung. 700 lai boux hagseng gauh samnienzgaep au cizdij gangj vahmieng、hemq bangaep goujhau、laebceiq ciemmingz daengj fuengsik vih gauhgauj gyayouz gujli、gangjok saenqsim caeuq gietsim, au fuengsik daegbied neix angqcoux haggeiz moq haihag ngoenz daih'it.

(Banh Cisiengz Hij Ginjfwah)

● Yungzanh Yen ciuq dangdieg saedsah haiguh cingcinj bangcoengh ranz gungzhoj, doenggyaq doigvangq gij vunqsik "haeuxnaz + youzgeiz + byaekyouzcai", gujli ndaem byaekyouzcai、youzgeiz daengj yienghyawjngonz doenghgo, hwnghat swnghdai lijyouz, moix moux ndaej demsou 1500 lai maenz, saedyienh bouxguhnaz dieg gungzhoj demlai souhaej.

(Danz Gajhingh)

● 2 nyied 21 hauh(liggaueq ndwencieng cibseiq), Gunghcwngz Yauzcuz Swciyen Sanhgyangh Yangh Sizgouj Cunh beixnuengx Yauzcuz banh "ciet bauqva", fanh boux doxhwnj hekyouz daj Guengjdoeng、Huznanz、Vuzcouth daengj dieg daej ngyonzyawj camgya daejniemh. Hozdung doenggyaq doumbanj angqcoux hek、fouxgyongraez、ciengj bauqva daengj caeuq hekyouz yiedcingz doxrox, hawj hekyouz roxyiuj daengz daegsaek vwnzva dangdieg Yauzcuz naekna caeuq heiqfaenh minzcuz doxgiet naekna.

(Moz Siujcenz)